

ՍԵՆԱՏԸ ՄԻՋԱՄՏՈՒՄ Է ԱԴՐԲԵՋԱՆԻ ԳՈՐԾԵՐԻՆ

Ստորև տպագրում ենք ադրբեջանցի մի խումբ լրագրողների թղթակցությունը, որը տպագրված է ամերիկյան «Նյու Յորք Թայմս» թերթում և մեր խմբագրության պատասխանը: Խմբագրության պատասխանի սեղմ տարբերակը ուղարկված է «Նյու Յորք Թայմս» թերթին:

Պատմությունը չգիտե որևէ դեպք, երբ Ադրբեջանի Գերագույն խորհուրդը որոշում ընդունած լինի ԱՄՆ-ի ներքին քաղաքականության մասին: Այդպիսի գործունեությունը դժվար է համատեղել միջպետական հարաբերությունների ըսկզբունքների հետ, որոնք հիմնված են ուրիշի ներքին գործերի մեջ չխառնվելու վրա, հատկապես այժմ, երբ երկու երկրների ժողովուրդները նորից սկսել են հուսալ կրկին հասնելու բարեկամության, խաղաղության և երկկողմանի փոխըմբռնման:

Առավել ևս, մեզ համար դժվար է պատկերացնել, թե ինչը ստիպեց ամերիկյան սենատին ընդունել որոշում հայադրբեջանական լարվածու-

թյան մասին ԱՂԻՄ-ում, որը Ադրբեջանի պատմական տարածքի անքակտելի մասն է: Մենք ստիպված ենք եզրակացնել, որ սենատը մոլորեցված է, քանզի դժվար է այլ կերպ բացատրել որոշման՝ «ԱՂԻՄ-ում ապրող հայերի նրկատմամբ խտրականության» մասին պնդումը:

ԱՂԻՄ-ը գերազանցում է Ադրբեջանին սոցիալ-տնտեսական զարգացման հիմնական ցուցանիշներով մեկ շնչին ընկնող բնակտարածությամբ, մշակութային օջախների քանակով, դպրոցներով և այլն: Մընում է միայն ինֆորմացիայի բացակայությամբ բացատրել այն փաստը, որ սենատը, վերլուծելով սուսգայիթյան իրադարձությունների հումանի-

տար կողմը (որտեղ զոհվել են 28 հայ և 6 ադրբեջանցի), առանց ուշադրության է թողնում 57 ադրբեջանցիների, որոնք զոհվել են նույնատիպ իրադարձությունների ժամանակ Հայաստանում: Սենատը չընկատելու է տալիս նաև այն, որ Հայաստանում, որտեղ մինչև 1988 թ. փետրվարը ապրում էին 200000 ադրբեջանցի, ոչ մեկը չի մնացել, քշված լինելով, թողնված առանց գոյատևման միջոցների, և անգամ սպանված:

Հարցի էությունը ոչ թե խորհրդային ղեկավարության «գերապատվությունն» է, այլ Ադրբեջանի, որպես սուվերեն պետության իրավունքն է (ճիշտ այնպես, ինչպես և ԱՄՆ-ի) իր սեփական տարած-

քում անել այն, ինչ հարկ կըհամարի:

Մենք համարում ենք, որ սենատի կողմից հավանության արժանացած որոշումը իրենից ներկայացնում է միջամտությունիշի ներքին գործերին և սըրում է քաղաքական, էթնիկական և կրոնական առնակատումը ոչ միայն տվյալ ռեգիոնում, այլև ամբողջ աշխարհում:

Մենք չէինք ցանկանա ամերիկյան ժողովրդի մեջ ըստեղծել այն պատկերացումը, որ ադրբեջանական ժողովրդի սրտաբուխ և բարեկամական վերաբերմունքը դեպի ԱՄՆ-ի ժողովուրդը կամ խոր հարգանքը, որ տաժում ենք մենք դեպի ամերիկյան կոնգրեսը, խարխլվեր այն իրադարձու-

թյան պատճառով, որը մենք հակված ենք դիտել որպես պատահական թյուրիմացություն: Մենք կարծում ենք, որ սենատը հնարավորություն կըգտնի ուղղել այս թյուրիմացությունը այն ճանապարհով, որը լավագույնը կհամարվի:

Գ. ԱԼԻԲԵԿՈՎ
«Կոմունիստ» թերթի խմբագիր
Կ. ՌԱՀԻՄՈՎ

«Ազերբայջան կոմունիստի» ամսագրի գլխավոր խմբագիր

Ա. ՇԱՐԻՖՈՎ
Ադրբեջանի հեռագրական գործակալության դիրեկտոր

Բաքու, ԽՍՀՄ, 12 սեպտեմբերի 1989 թ.
Տպագրված է 18.10.89 թ.